

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I Č A
Broj: T04 0 KT 0067993 26
Zenica, 25.08.2026. godine

OPĆINSKI SUD U KAKNJU
- Sudiji za prethodno saslušanje –
KAKANJ

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH,
p o d i ž e m o

O P T U Ź N I C U

Protiv:

K.A., neosuđivan,

Što je:

1.dana 27.01.2026.godine, nakon što je tog dana po gradu K. skupa sa svojim poznanicima V. M. i A. M. konzumirao alkoholna pića te nakon što se skupa sa njima bio dovezao u mjesto Ponijere u svom putničkom vozilu marke ..., nakon kraćeg boravka na P., oko 18,00 sati, u alkoholisanom stanju, sa koncentracijom alkohola u krvi od 1,85 promila, ponovo sjeo za upravljač navedenog vozila, a potom, očigledno nesposoban za sigurnu vožnju zbog alkoholisanosti, krenuo prema K., krećući se lokalnim putem P.-Z.-K., svjestan da u takvom stanju pijanstva može ugroziti javni promet i tako dovesti u opasnost živote i tijela ne samo V. M. i A. M. koji su se u alkoholisanom stanju nalazili sa njim u vozilu nego i ostalih učesnika u prometu, na što je pristao, pa postupajući suprotno odredbama člana 57 stav 2 i člana 174 stav 1 Zakona o osnovama bezbjednosti saobraćaja na putevima u BiH, vozeći tako, po dolasku u mjesto T. oko 18,10 sati, u lijevoj krivini, krećući se brzinom od 66,6 km/h, otpočeo radnju preticanja putničkog vozila marke ... neutvrđenih registarskih oznaka, koje se kretalo ispred njega, sa kojim je upravljao Č. E. i na taj način ugrozio sigurnost ne samo Č. E., koji je zbog takve njegove rizične i opasne radnje u prometu bio prinuđen da zaustavi svoje vozilo na kolovozu kako ne bi došlo do sudara, nego i sigurnost svojih saputnika V.M. i A. M., pri čemu je po izlasku iz navedene krivine, kada je došlo do destabilizacije vozila, izgubio kontrolu upravljanja nad istim zbog čega je vozilo sišlo sa kolovoza a potom udarilo i probilo drvenu ogradu i naposljetku se zaustavilo na livadi sa desne strane puta gdje se prevrnulo na krov, ugrozivši na taj način sigurnost javnog prometa, uslijed čega je V. M. zadobio teške tjelesne ozljede u vidu preloma devetog i desetog rebra sa desne strane,

2. dana 27.01.2026.godine, oko 18,10 sati, u mjestu T., općina K., nakon što je prouzrokovao saobraćajnu nezgodu opisanu pod tačkom 1, udaljio se sa lica mjesta nezgode i tako ostavio bez pomoći V. M. čije ozljede je prouzrokovao, svjestan da mu na taj uskraćuje potrebnu pomoć, što je i htio,

čime je učinio u sticaju:

- Pod tačkom 1 krivično djelo teška krivična djela protiv sigurnosti javnog prometa iz člana 336 stav 1 u vezi člana 333 stav 1 KZ F BiH
- Pod tačkom 2 krivično djelo neukazivanje pomoći osobi ozlijeđenoj u prometnoj nezgodi iz člana 337 stav 2 KZ F BiH.